



Atmishon i registrashon na Boneiru



Kiko Servisio di Imigrashon i Naturalisashon (IND-CN) ta hasi i kiko Asuntunan Sivil ta hasi?

Den e foyeto akí nos ta duna splikashon di e proseso di atmishon i registrashon na Boneiru. Tur dos servisio, IND-CN i Asuntunan Sivil, tin responsabilidatnan separá den esaki. Pero ken ta hasi kiko presis i kua dokumento tin mester? Kontestando e preguntanan den e foyeto aki, IND-CN i Asuntunan Sivil ta spera di sigui drecha nan servisio.



Kiko IND-CN ta hasi?

IND (unidade Hulanda Karibense) ta responsabel pa ehekushon di e maneho di imigrashon na Boneiru, Sint Eustatius i Saba. Esei ta enserá ku IND-CN ta evaluá tur petishon pa pèrmit di estadia òf deklarashon di atmishon legal di estranhero- òf hulandesnan ku ke keda riba e islanan akí, no komo turista. Ta trata por ehèmpel di personanan ku ke keda biba, traha òf studia. Banda di esei e unidat ta atendé petishon di personanan ku ta deseá di haña nashonalidat hulandes.

No ta tur hende por bira hulandes sin mas, òf ta haña un pèrmit di estadia sin mas na Boneiru, Sint Eustatius òf Saba. Tin algun kondishon ku mester kumpli kuné. Importante ta por ehèmpel: kon largu un persona ke keda? Ku kua meta? Un persona tin sufisiente entrada, òf propio fondo? Sinembargo no ta IND-CN mes ta stipulá e kondishonnan ei, gobièrnu na Den Haag ta hasi esei. IND-CN ta ehekutá e maneho ku polítika stipulá.

Kiko Asuntunan Sivil ta hasi?

Sekshon di Asuntunan Sivil di Entidat Públiko Boneiru ta responsabel pa tene e registro di Atministrashon Básiko di Dato Personal, pa Registro Sivil i pa organisá elekshon. Banda di esei Asuntunan Sivil ta responsabel tambe pa entre otro otorgamentu di pasport, karnèt di identifikashon (sédula) i ekstrakto. Por haña mas informashon tokante sekshon di Asuntunan Sivil via e wèpsait di Entidat Públiko Boneiru www.bonairegov.com/pa/bida/asuntunan-sivil.

Resúmen: IND-CN i Asuntunan Sivil

IND-CN ta un servisio di gobièrnu sentral ku ta responsabel pa e proseso di atmishon. Asuntunan Sivil ta un servisio di Entidat Públiko Boneiru i ta entre otro responsabel pa registrashon di siudadanonan den e Registro di Atministrashon Básiko di Dato Personal di Boneiru, asina ku nan haña atmishon riba e isla di IND-CN.



Bo ke bin biba i/òf traha na Boneiru? Pasa promé serka IND-CN.

Pa por biba/traha na Boneiru bo mester entregá un petishon na un lokèt di IND-CN:

- **pa biba: entregá un petishon pa un pèrmit di estadia, òf – si bo ta hulandes òf merikano – un petishon pa un deklarashon legal.**
- **pa traha: si bo ke traha tambe, bo mester entregá tambe un petishon pa un pèrmit di trabou.**

E siguiente kategorianan no mester un pèrmit di trabou:

- **Personanan ku tin nashonalidat hulandes òf merikano;**
- **Estranheronan ku ta biba òf ta kasá ku un hulandes;**

Bo por haña e formulario di petishon i un resúmen di e dokumentonan rekerí riba e wèpsait di RCN, www.rijksdienstcn.com bou di Imigrashon i naturalisashon > Formulario i anekso. Tambe bo por pasa buska e formulario di petishon na un lokèt di IND-CN.

Evaluashon i desishon pèrmit di estadia

IND-CN ta evaluá si e petishon ta kumpli ku e kondishonnan stipulá. E persona ku ta kumpli ku tur kondishon, ta haña un pèrmit di estadia òf un deklarashon legal. Ta hopi importante pa un petishonario duna informashon korekto. Si resultá ku a suministrá informashon inkorekto, por nenga òf hala un pèrmit di estadia aden. IND-CN ta manda e desishon tokante atmishon via pòst pa e petishonario.

Evaluashon i desishon pèrmit di trabou

Unidat Asuntunan Sosial i Empleo (SZW) di RCN ta evaluá e petishon pa pèrmit di trabou. IND-CN ta fungi tambe komo lokèt pa unidat SZW di RCN. Ta manda e desishon ku pòst pa e doño di trabou.

A aprobá bo petishon? Pasa e ora ei na Asuntunan Sivil.

Si a aprobá bo petishon di estadia òf deklarashon legal, bo mester hiba esaki na Asuntunan Sivil, pa asina inskribí bo mes den e registro di Atministrashon Básiko di Dato Personal di Boneiru. Registrashon despues di admishon ta obligatorio. Pa esaki bo mester trese e siguiente dokumentonan original (no kopia):

- **E desishon di IND (den kua tin pará ku a duná bo admishon);**
- **Un pasport bálido;**
- **Un akta di nasementu (no mas ku 12 luna bieu);**
- **Un akta di matrimonio (no mas ku 6 luna bieu i si esaki ta aplikabel);**
- **Un akta di divorso (no mas ku 6 luna bieu i si esaki ta aplikabel);**
- **Un deklarashon di estado sivil (no mas ku 6 luna bieu i si no tabata kasá anteriormente);**
- **Un notifikashon di mudansa (no mas ku 3 luna bieu, i solamente den kaso ku e persona ta prosedente di Reino!).**

Paga tinu: dokumentonan for di eksterior mester tin un stèmpel di ‘apostille’ òf stèmpel di legalisashon, loke ta dependé di e pais di nasementu / matrimonio / divorso / fayasimentu.

Si bo ta duda den e ‘apostille’ òf stèmpel di legalisashon rekerí, bo por tuma kontakto ku seksion di Asuntunan Sivil òf e embahada hulandes den bo pais di orígen. Bo por konsultá tambe e siguiente wèpsait:

www.nederlandwereldwijd.nl

Si bo registrá bo mes, nan ta traha un karnèt di identifikashon (sédula) pa bo na Asuntunan Sivil.

Kontakto i orario ku Unidat IND di RCN ta habrí

Orario ku Unidat IND di RCN ta habrí

Djaluna te ku djaweps: 08:00 - 15:00 or; Djabièrnè: Será

Nos ta alkansabel tur dia via telefòn di 08.00-12.00 or i di 13.00-15.00 or via (+599) 715-8330.

Faks: (+599) 717-2772 n.a.d. IND-CN

Adrès di e-mail: IND@rijksdienstCN.com

Website: www.rijksdienstcn.com

Kontakto i orario ku Asuntunan Sivil ta habrí

Kaya Neerlandia 40

Orario ku Asuntunan Sivil ta habrí

Djaluna te ku djaweps: 08:00 - 15:00 or; Djabièrnè: Solamente ku sita

Asuntunan Sivil ta alkansabel via telefòn di 8.00 – 15.00 or via (+599) 717-5516/5517